



NIETONAN DI BETICO

*Gilberto, Lara, Francesca,
Thiara & Mario*

Mario Croes

1 . Kico ta nifica p'abo e hecho di ta e nieto di Betico Croes?

Pa mi ta un gran honor y ta duna mi orguyo di ta su nieto. Pa ta su nieto mi ta sinti cu bo tin un trabou pa sigui su legacia, pa percura pa mucha siña di dje, pa tur hende siña di dje y pa tur hende ta contento pa loke el a haci y pa nan aprecia loke el a haci pa Aruba. Y tur hende na Aruba mester ta orguyoso pa tur loke el a haci pa Aruba.

2 . Kico ta loke bo ta mas orguyoso di e legacy di bo abuelo?

Loke el a haci pa Aruba y e manera con el a hacie tambe, el a trata Aruba manera su yiu. Betico tabata manera un tata pa tur hende na Aruba, con tur hende a mir'e como un persona pa admira y esey ta haci mi hopi orguyos. Ela percura pa tur hende sinti nan mes manera cu nan tabata parti di e isla, pa tur hende sinti orguyo cu nan ta di Aruba.

3 . Y con lo bo percura pa mantene e legacy di bo abuelo bibo den futuro?

Dia di Betico ta un dia hopi importante pasobra e muchanan ta bay puntra kico ta dia di Betico, dicon nos ta celebr'e y asina tur hende mester sigui conta e storia di kico Betico a haci pa nos isla y kico tur el a sacrifica. Tambe na scol mi ta haya cu nan tin cu siña e muchanan tocante e storia di kico Betico a haci pa Aruba y pa nan ta bon informa.





Thiara Gabriela Croes

1 . Kico ta nifica p'abo e hecho di ta e nieta di Betico Croes?

Mi ta hopi orguyoso di loke el a haci pasobra el a duna libertad na Aruba. Tambe e ta un Opa cu nunca. Mi a yeg'i conoce pero mi ta scucha storia di tur hende, di mi famia di tur e cosnan cu el a haci y bo ta sinti bo orguyoso di tin un Opa cu a haci esaki y bo ta haya un felicidad.

2 . Kico ta loke bo ta mas orguyoso di e legacy di bo abuelo?

Pa mi ta e libertad cu el a duna Aruba pasobra e ta algo hopi grandi y tambe cu ora e tabata den e proceso semper el a corda riba su famia y tambe e hendenan na Aruba cu tambe ta su famia y esey ta algo hopi grandi y mi ta hopi orguyoso di esey.

3 . Y con lo bo percursa pa mantene e legacy di bo abuelo bibo den futuro?

Pa mi obviamente mi lo sigui celebra e dia di Betico, pasobra mi ta haya esaki tambe ta un bon manera y tambe mantene esaki bibo den mi.

Francesca Saladin

1 . Kico ta nifica p'abo e hecho di ta e nieta di Betico Croes?
Mi ta orguyoso y tambe mi ta un tiki tristo cu mi no a conoce.

2 . Kico ta loke bo ta mas orguyoso di e legacy di bo abuelo?
Mi no tin algo cu mi ta mas orguyoso di dje, mi ta orguyoso di tur cos cu el a haci.

3 . Y con lo bo percura pa mantene e legacy di bo abuelo bibo den futuro?
Tin dia di Betico caba mi ta spera cu esaki sigui keda celebra, mi ta spera cu na scol nan por keda duna les di dje y ami mes nunca lo stop di papia di dje.



Gilberto Croes

1 . Kico ta nifica p'abo e hecho di ta e nieto di Betico Croes?
Pa mi e ta nifica responsabilidad. Nos como nieto tin cu sigui su legacy y honr'e anto esey ta cay bou tur aspecto di nos bida sea ta ora nos bay sali of ora nos ta representand'e na Plaza, e ta un responsabilidad grandi pa representa e y nos famia dignamente.

2 . Kico ta loke bo ta mas orguyoso di e legacy di bo abuelo?
Mi ta mas orguyoso di e lucha y claro mi ta orguyoso di e resultado final tambe. Pero e lucha y tambe cu nunca el a rindi y sigui lucha pa loke e tabata kier te cu el a logr'e, esey ta algo cu semper mi lo ta orguyoso di dje.

3 . Y con lo bo percura pa mantene e legacy di bo abuelo bibo den futuro?
Den mi opinion e manera pa haci esey ta ami mes como persona lucha pa yega na e nivel cu e tabata, lucha pa sigui su pasonan den sentido moral, balornan y tur cos. Siña mi futuro yiu nan y amigonan di dje.





Lara Isabella Croes

1 . Kico ta nifica p'abo e hecho di ta e nieto di Betico Croes?

Mi ta contento y orguyoso di ta nieta di un hende cu a logra hopi pa nos pueblo pero na mesun momento mi ta djis un nieta cu ta desea di por a conoce su abuelo.

2 . Kico ta loke bo ta mas orguyoso di e legacy di bo abuelo?

Mi ta orguyoso di kico el a logra, logra libertad pa nos pueblo.

3 . Y con lo bo percursu pa mantene e legacy di bo abuelo bibo den futuro?

Pa keda record'e riba su dia, dia di Betico y na scolnan keda duna les di dje y pa den futuro nos keda papia di dje.